



Enrique Cercadillo Alditransko langileen bozeramailea kazetariz inguratuta.

ANDER GILLENEA

Polizien eskuhartzea eragin nahia egotzi diote HBri Alditranskoek

Gaur Artzain Onean bilduko dira gerora lekuz aldatzea baztertu gabe

Alditransko langileek Autsi egin diote gaur Donostiako Artzain Onaren aurreko kontzentrazioari; aurrerantzean tokiz aldatzea baztertu ez duten arren. Aldaiaren enpresako langileen ustez, HBk toki berean biltzeko hartu duen erabakiak Bakearen Usoan jazotako «gertaera penagarriak berritzea lortu nahi du polizien eskuhartzea behartuz».

AXUN ERZIBENGOA / OIARTZUN

Enrique Cercadillo Alditrans enpresako langileen bozeramaileak atzo jakinarazi zuenez, kezkatu da HBk, Alditransko langileek bezala, Artzain Onaren katedralaren aurrean elkartzeko erabakia hartu duelako. Aldaiaren langileen ustez, «HBk hartu duen erabaki larriak Bakearen Usoan jazotako gertaera penagarriak berritzea lortu nahi du ondorioz polizien esku hartzea behartuz, gero erru guztia

Ertzaintzari leporatzeko». Langileek polizien eskuhartzerik ez dutela nahi adierazi zuen Cercadillok.

HBren erabakiarekin «erabateko desadostasuna» agertu zuten Alditransko langileek eta, Bakearen Usoan aurrez aurre biltzen zirenean, Aldaiaren askatasuna eskatzen zutenek «eraso bortitzak» jasan zituztela esan zuen Cercadillok. Orain bi aste kontzentrazioak lekuz aldatzea erabaki zutenean, «kontzentrazioen benetako zentzua berreskuratzeko» egin zutela gogorazi zuen langileen bozeramaileak, hau da, «ETAri Jose Mari berehala eta baldintzarik gabe aske utz dezan eskatzeko».

GAUR BI HERRI KONTZENTRAZIOAK KATEDRALEAN

den ostegunean Anoetan eginiko batzarrean gaur Artzain Onaren katedralaren aurrean biltzea erabaki zuen. Jarrera hau aztertu ondoren, Alditransko langileek astearteko batzarrean euren kontzentrazioari eustea erabaki

zuten, eta HBri Aldaiarentzako askatasuna eskatzen dutenak errespetatzeko exigitzen diote Alditranskoek. Barne Sailak debekatu egin zion HBri katedralaren aurrean biltzea eta debekua gauza dadin Ertzaintzak «zorrotz» beteko du agindua, Atutxaren arabera.

Kontzentrazio horretara gerturatzeko asmoa duten herritarrei bakoitzaren segurtasunerako behar diren neurriak hartzeko eskatu zien Cercadillok, ez baitute nahi «inork min har dezan edo inori eraso diezaioten». Era berean, kontzentrazioa etortzen ez diren ordezkari izango direla agertu zuten langileek. Gaur gertatzen denaren arabera eta indar eta alderdi politikoaren jarreraren arabera, langileek ez dute baztertu datozen asteetan tokiz aldatzea.

Azkenik, Jose Mari Aldaiaren askatasunaren alde manifestatzen direnek Euskal Herriaren askatasunaren alde biltzen direnekin enfrentatzeko saioa salatu zuten Alditrans enpresako langileek.

AABek «oportunismo politikoz» jo' atzea leporatu diote ETBri

DONOSTIA

Amnistiaren Aldeko Batzordeek uko egin zioten atzo ETBko 'Así las cosas' eztabaida saioan parte hartzeari. HBk eman zion lehenik ezezkoa David Barbero programako zuzendariari eta, horren ondotik, AABekin jarri zen harremanetan kazetaria. Aurrez aurreko kontzentrazioak planteatu ziren eztabaidagai, eta programan Juan Maria Atutxa eta Eako eta PSE-EEko ordezkariak izango zirela esan zien, AABen arabera.

Gonbitari ezezkoa emateko izan dituzten arrazoiak azaldu zituzten atzo Amnistiaren Aldeko Batzordeek. Eztabaida «propagandistikoa eta desorekatua» dela uste dute. «Ezker abertzalearen mobilizazioei errepresioz erantzuteko babes politiko eta poliziala lortu nahi zuen. Eta argigarria da programa osteguneko kontzentrazioaren bezperan egitea. Errepresioa legitimatzea lortu nahi badute, ez gaitzate deitu».

Gainera, AABek diote Euskal Herriak dituen arazo

latz guztiez hitz egin nahi dutela: «Presoez, torturaz, guda zikinaz, errepresioaz, Ertzaintzaren jokaeraz, gazte-riaren kontrako erasoaz ere hitz egin nahi dugu, baina Euskal Telebistak oportunismo politikoagatik nabarmendu nahi dituzten gaiak eztabaidatzera bakarrik deitzen digu».

«Errespetua eta objetibotasuna» eskatu diote AABek ETBri beren lana eta ideiak eramaterakoan, «ez delako bidezkoa ETB ente publikoak beligerantziaz jokatzeko gure herriko sektore sozial eta politiko baten kontra».

Honela, ETBko informazio eta eztabaida saioetan modu «normalizatuan» parte hartzeko eskatzen dute, beste gizarte talde eta mugimenduek egiten duten bezala. «ETBk normalizaziorako urratsak ematen dituenean, gu bazter-tzen, boikotatzen eta isiltzen ez gaituenean, orduan pentsatuko dugu berriro zer jarrera hartu. ETBk, azken kasu honetan bezala, pozoitutako gonbitak egiteari uzten dioenean planteatuko dugu zer egin».

«ETAren estortsioa» gaitzesteko UGTren ekimena eragotzi du ELAk

BILBO

Lan Harremanetarako Kontseiluaren bilkurak atzo ez zuen aztertu ETak enpresariei eginiko azken diru eskaeraren aurkako ekimena, ELAren ezezkoagatik. Ekimena UGT sindikatuak aurkeztu zuen, baina ez zegoen aurrikusita eguneko gaien artean eta han sartzeko bozketan ELAk ezezkoa eman zuenez, ez zen lortu beharrezko gehiengoa.

UGTk urgentziatzeko egoera bereziaren bidez ekimena eguneko gaien artean sartzeko eskatu zuen. Horretarako Kontseilua osatzen duten alde bakoitzaren —sindikatuak eta patronala— gehiengoa behar

da. Enpresarien aldetik gehiengoa lortu zen baina sindikatuaren aldetik ez, UGTren ekimenak CCOOren babesa bakarrik lortu baitzuen. LAB ez zen bileran izan, eta ELAk aurka bozkatu zuenez, ez zen lortu gehiengoa.

ELA sindikatuak azaldu zuenez, ez du egoki ikusten gaia urgentziatzeko prozeduraren bitartez aztertzea. Aurretik ere Kontseilua «ETAren estortsioaren aurka mintzatu» izan dela adierazi zuen sindikatuak, eta salaketa horiek indarrean jarraitzen dutela. Mota honetako gaitzespena egiteko ELAk ez du beharrezko ikusten Kontseiluaren funtzionamendu arauak behartzea.

Hau ez da normala!
"EUSKO" LEGEBILTZARRA
ETA ERDARAZ BARRA BARRA!

Datorren ostiralean, urriaren 6an, eguerdiko 12etan
KONTZENTRAZIOA Gasteizko Legebiltzarraren aurrean.

AUTOBUSAK:

Donostia: (943) 27 81 72 - Bilbo: (94) 416 27 30 - Iruñea: (948) 22 01 94

Euskal Herrian Euskaraz